

Siunnersuut uunga: Akiliisarfik Ilangaasivik pillugu Inatsisartut inatsisaat nr. xx xx. xx 2019-meersoq

(Aningaasaqarnermut Nunanilu Avannarlerni suleqatigiinnermut Naalackersuisoq)

Akissuteqaat

(Aningaasaqarnermut Nunanillu Avannarlernik suleqateqarnermut Naalackersuisoq)

Aappassaaneerneqarnera

Naalackersuisut sinnerlugit Aningaasaqarnermut Akileraartarnermullu Ataatsimiititaliaq inatsisissap suliarineranut atatillugu peqqissaartumik sulisimaneranut qutsaviginiarpara.

Naalackersuisut isumaqataapput akiliisarfik Ilangaasiviup atuutilerneratigut kingunerisassat isiginiarneqarnissaat pingaaruteqartorujussuummat. Tamanna atuuppoq minnerunngitsumik pissakinnerusunut sunniutissaa eqqarsaatigalugu. Maleruagassat naleqqussarneqarnissaat pisariaqartinneqartoq paasinarsippat Naalackersuisut soorunami siunnersuutini taakkununga attuumassuteqartunik saqqummiussinissaminut piuumassuseqarput.

Inatsisissatut siunnersuummi pissakinnerit annertuumik illersorneqarnissaannik iliuseqartoqarpoq. Assigiinngissutigaa assersuutigalugu aningaaseriviit akiliisarfimmik kiffartuussivianni ilaatigut akiliisarfik Ilangaasivik aqutigalugu akileeqqusissutit annertussusissaat killilerneqarsimavoq. Tassuunakkut akiliisarfik Ilangaasiviup innuttaasut aningaaseriviit akiliisarnermut kiffartuussiviannit pitsaanerusemik kiffartuunneqarnissaat pingaartippaat.

Naggataatigut pinngitsoorusunngilanga erseqqissassallugu inatsisissatut siunnersuut akuersissutigineqassappat ukiut 8-t sinnerlugit taakkunnga suliaqarneq naammassineqassamat. Akiliisarfik Ilangaasivik siullerpaamik innuttaasunut saqqummiunneqarpoq Akileraartarnermut Atugarissaarnissamullu ataatsimiititaliarsuup isumaliutissiissutaani 2011-meersumi. Siunertaa tassaasimavoq tassaallunilu akiitsut amerliartuinnarnerisa ikilisaaffiginissaat aamma pisortanut akiitsut akilersinniartarnerisa nutarteriffigineqarnissaat. 2012-imiilli akiliisarfik 2025-mut pilersaarummut ilaasimavoq atugarissaarnerup pigissaarnerullu 2025 tikillugu qulakkeerniarlugu, Attassiinnarnissamut inerikkiartortitsinissamullu pilersaarut 2016-imeersoq aamma Aningaasaqarnikkut ingerlatsineq pillugu Nalunaarusiat kiisalu aningaasanut inatsisissat aqutigalugit. Nuanneqaaq takullugu eqqarsaatit taakku piviusunngortinnissaannut tunngavissaq maanna piariingajalermat. Uangani nammineq inuttut siunnersuut taama isikkulik amerlanerusunit tapersorneqarnissaa neriutigisimagaluarpara.

Taamatut oqaaseqarlunga Naalackersuisut sinnerlugit inassutigaa siunnersuut saqqummiunneqartoq taamatut isikkoqartillugu inaarutaasumik pingajussaaneerinninnermi akuersissutigineqassasoq.